



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

23 Feb. 7 Kal. Mart.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

artem patiendi: pone me juxta te, in
Cruce stantem, dum patior!

23 Feb. 7 Kal. Mart.

B. Nicolae, qui Christum coram
videns, ab illo audisti: *Nicolae,*
sequere me; & secutus es: cui Chri-
stus sacris operanti apparuit: quem
familiares tibi Angeli, & Patrona
S. Dorothea Virgo, contra im-
pugnantes dæmones, confirmâ-
runt. Tu sanctam illam, quam
à Christo didicimus, & illam, quâ
Beatissima Virgo ab Angelo saluta-
ta est, orationem, tanto in pretio
habuisti, ut *Pater noster,* & *Ave*
MARIA, aliquando undecies millies
pronuntiares. Ora pro me, ut ita
& *Pater* illud ad Patrem Deum, &
& *Ave* ad Matrem Dei orem, ut &
Patris illius, & Matris, bonus filius
vivam, & moriar. Amen.

S. Sirene, capite pro Christo
cæse.

Sancti septuaginta duo Marty-
res Sirmienses.

S. Polycarpe Presb. Martyrum
exhortator.

S. Martha V. Martyr.

S. Lazare, qui, quòd sacras ima-
gines pingeres, multa perpessus,
manus

manus candenti ferro ustus, iisdem
divinitus perfanatis, ad pingendas
S. Joannis Baptistæ, aliorumque
sacras imagines, ad felicem usque
mortem, sanctè es usus.

S. Felix Episcopo.

S. Florenti Confessor.

S. Romana Virgo nobilissima,
quam columba nivea, divino, &
utili tibi nobisque, miraculo, al-
locuta, dixit: *Melior est via justorum,
quàm Principum: cui regulæ innixa,
cælestem in antris vitam cum cæ-
lesti in aulis vitâ, non sinè mira-
culis, commutâsti, necdum un-
decim annos nata, & exemplo e-
docta id, quod ab eâdem è cælo
columbâ audieras: Via justorum
recta. Sanctorum semita, quâ ad cælum
perveniunt, parata. Domine, omnes
qui ad te confugiunt, non confunden-
tur in æternum.*

S. Joannes Syre, qui in rupe,
postea per viginti quinque annos
sub dio, habitâsti; pane ac sale con-
tentus, & cilicio, ac magni ponderis
ferramentis, corpus afflicans;
à sole coctus, ac semper laborans,
& orans, adeoque ab omni leva-
mento alienus, ut amygdalum
quoque arborem excindi jufferis,
ne quid solatii ab illâ acciperes.

S. Fin-

S. Finnene Conf. cujus dentem,
qui tibi exciderat, terrâ obrutum
prodidit lux cælestis: quo pro pa-
triâ orante, patriæ tuæ hostes mon-
tibus obruti periêre.

S. Dosithee, qui spectatis pictis
infernî tormentis, mulierem pur-
purâ splendidam, singula, quæ vi-
debas, tibi explicantem audisti, &
dixisti: *Domina, quid quis faciet, ut
hac supplicia evadat?* & responden-
tem audisti: *Jejuna, ac non vescaris
carnibus; & jugiter ora, hæcque poenas
evades.* Tum illa videri desuit: *eu*
verò consultrici optimè paruisti.

B. Petre Cardinalis Damiani, qui
post mortem inter Episcopos se-
dens, ac docens, conspectus, dilecto
cuidam tuo dixisti: *An nescis, quod
in camerâ S. MARIAE Virginis habi-
to? Nam in ejus domo habito; &
illius camerarium me esse profiteor.*

S. Milburga, Virgo, filia Regis
Merciorum.

OMNES SANCTI, &c.
pag. 44.

S. MARIA, qua hodie in Beatarum
album illata B. Agneti Politianæ
tres lapillos, & omnia operâ in sanctis-
sima Trinitatis cultu firmandi con-
siliium dedisti. *Doce me in singulis,
qua agam usque ad mortem, ama-*

N re

24 Feb. 6 Kal, Mart.

S. Mathia Apostole Martyr, præ-
destinatorum imago, sicut Ju-
das reproborum; tu, qui Judæ re-
probi loco in collegium prædesti-
natorum electus es, quando super
te cecidit felix illa fors, quando
descendens è cælo splendor, tu-
que capiti insidens, te sancto Apo-
stolorum collegio, & magistratui
adscriptus: qui postea inter gentes,
recusato ad deliberandum, an à
Christo desciscere velles, tempore,
in Crucé suspensus, cæcos multos
perfanâsti; lapidibus, & securi per-
cussus, sortem hereditatis æternæ
adiisti. cujus reliquias tractantis
Sacerdotis digiti oleo fragrantissi-
mo stillavêre: qui negligenti cui-
dam Sacerdoti, ad vitandam desi-
diam, cicatricem perpetuam in
fronte inussisti: cujus ossa cum la-
terent, stellæ, ac fontis mirabilis,
eo in loco erumpentis, indicio sunt
comperta. qui in medio aperti alta-
ris Deiparæ, aureâ veste indutus,
& velut quiescens, conspectus ab
eo, qui te sæpiùs visitabat, eum ob
illam pietatem laudâsti, ac dixisti:
Mathias